



СУДНОЕ ДЕЛО ВАССИАНА ПАТРИКЕЕВА
(1531 год, 11 мая)

Список:

БАН, основное собрание 17.13.11, сборник, в 4°, конец XVI века, полуустав, лл. 341—404. Водяные знаки: 1) латинский крест в щите, под которым неясные буквы; у Брике (см. Список сокращений) № 5703 — 1592 год; 2) щит, в нем прямоугольник со сдвоенными «К»; аналогичный знак в справочниках не обнаружен. Конец списка отсутствует.

Издание:

Прение Даниила, митрополита Московского и всея Руси, с старцем Васьяном. ЧОИДР, № 9, 1847, стр. 1—28.— Издано О. Бодянским по копии, снятой князем М. А. Оболенским с указанного списка (шифр рукописи не указан)¹.

л. 341

Лета 7039-го, мая, в 11 день. Сядящу соборне господину Данилу, митрополиту всея Руси, со архиепископы и епископы, со всем священным собором; на том же соборе был и боярин великого князя, Василия Иоанновича всея Руси, Михайло Юрьевичь, и дияки великого князя; и поставили на том соборе старца Васияна, князя Иоаннова сына, Юрьева.

л. 341 об.

И митрополит спросил Васияна: Ведома тебе великаа книга, священныя правила апостольскыя и отеческыя, и седми вселенских собор и поместных, и прочих святых отец, и от градских законов к ним же приложена и сочетанна, понеже градския закони священным правилом последуют || и кому достоин чего възыскати, яко вязати и решати, иная к сим по гранем обрящет и по главам, яко же святии отци уставили и утвърдили и запечатлели. И тое книги не смее никъто же разрешити или чем поколебати от седмаго собора до руского крещения, а в нашей Руской земъли та

¹ Шифр рукописи установлен А. И. Копаневым, за что автор приносит ему искреннюю благодарность.

книга больша петисот лет соборную же церковь содержит и все православное христианство просвещает и спасает, от святого и равно апостолом великаго князя Владимира и до^а ныне царя великаго князя Василия неразрушима и непоколебима была ни от кого: в тех летех святых великих чудотворец святителей, изящных и нарочитых, преподобных отец, премудрых и многоученных, искусных || божественному писанию; те все святии по тем правилам сами жили и спаслися, и людей учили и спасали. В той божественной книзе апостольская правила и седми вселенских соборов и поместных и особ сущих, иже последуют священным правилом градстии закони, малую сию некую часть ко твоему малоумию угодна написал, а иная вся разметал сложеннаа и сочетаннаа святыми отци с прежними соборы и с последними. А прежде тебе, огнеле же христианская проповедь апостольскими вещаниями по всей вселенней распростресе и святыми богонными отци устависъ, никто же от тех ото всех тако дерзнул еси и разарил. Почто и что ради? Ни ты апостол, ни ты святитель, ни ты священник. Како смел еси на таковое дерзнути? Возбранно бо ест святыми писании и божественными правилами простым человеком, иноком и мирским на божественная и священнаа правила, на уставы же и чины, на законы и на престолы учителей наскокати, святей, велицей, божественней соборней и апостольстей церкви преданнаа поколебати и учити, или составляти инако что, аще что и добро быти имать мнится, колми же паче зло, яко же ты вся злая и развращенная и глаголеши, и составляеши су||противная святей божественней соборней церкви на престоле и православная веры господода бога нашего Исуса Христа. И Васьян отвечал: Варьям меня митрополит на то понудил со священным собором, а был на том соборе Васьян, архиепископ ростовской, и Семион Суждальской, Дософей, епископ крутицкой. И митрополит воспросил Дософея, владыки крутицкого: Преосвященному Варламу митрополиту и архиепископом, и епископом, и тебе, Дософею, епископу сарскому и подоньскому, и всему священному собору, бывал лы совет о разрушении божественных правил и заповедей святых апостол и святых вселенских собор, поместных и особъ сущих, святых отец правил древнее изложение и устав || отложить, а новое сотворити неприличное, что от века не бывало, еще же и возбранено зело, и кому есте велели тако причинивати, или Васьяну старьцу? И вла-

^а Испр.; в ркп. то.

дыко Дософей митрополиту Даниле и священному собору сказал: Яз, господине, на том соборе не бывал, но и не слышал его, и митрополит Варлам того старцу Васьяну не приказывал; как Васьян святых правила апостольския и отеческия разрушил, а новыя своя правила написал тому 14 лет. А как, господине, Васьян, архиепископ ростовской, и Семион, владыко суждальской, преставилися, дотуды за два годы, а тому, господине, 16 лет, и тот, господине, Васьян на меня возвел ложь — яз тому всему неповинен, || а перебивает, господине, что хочет, и на нас, господине, такая вины возлагает, и мы ему не советники ни в чем же; а советники у него свои — Максим Грек, Михайло Медоварцов, старец Селиван, Васьян, старец митрополичь и иныя. И Васьян молвил: Ино, господине, волен бог да ты.

И митрополит Васьяну рече: Писано ест во святых писаниях и в божественных правилах, яко в некая времена бываше, скудости ради, неких сущих несвещенных понужали на церковное служение некое, премудрых и блаженных святых мужей, а не стропотных и развращенных, яко же ты състропотная и развращенная глаголеши и учиши, и пишеша. И Васьян рече: Что мое, господине, стропотство || и развращение? И митрополит ему молвил: Развратил еси на свой разум святую великую книгу правильную святых апостол и святых отец, на нее же никто же не смел тако дерзнути или помыслити; а ты во своих сотворенных свое написал и развращенная тако: Ест во святых правилах супротивное Еуангелию, и Апостолу, и святых отец жительству. И паки в ьных местех, во своих правилах, написал еси во своих правилах блазненно. И во многих времена многим людям говорил еси: Правила писаны от диявола, а не от святого духа, и правило зовеша кривило, а не правило; а Христа называеши тварию, а в неть||ленну мнимую ересь веруеши и пребываеши в ней; а чудотворьцев называеши смутотворци, потому что они у монастырей села имеют и люди.

И Васьян отвечал: Яз писал о селех — во Еуангелии писано, не велено сел монастырем деръжати. И митрополит велел ему прочести Еуангелие от божественных писаний и иных многих правил, от жития святых како^б святым церквам и монастырем власти и села, и люди не велено деръжати. А се о сем свидетельство святого Семиона, Нового богослова. Что мир и яже в мире суть, слыши: ни злато ест, ни сребро, ни винограды, ни нивы — сия бо вся, елико служит потребе те-

^б Доб.; в ркп. нет.

лесней, и мы стежахом; || ни мяса, ни хлебов, ни вина, причащаем бо ся и мы от сих и сънедаем довольно; ни храмы, ни бани, ни села, ни винограды и ни предградие, лавры бо и монастыри от таковых состояться, но что мир грех, еже к вещем пристрастие и страсти. И после того прочтоша ему от книги Отечника преподобнаго отца нашего чюдотворца Геласия. Блаженный авва Геласий во юности своей нестежанно житие живяще, бяху же в то време и друзи мнози в тех же местех таково же житие любяше. Случижеса блаженному авве Геласию по божественному строению составить || общежитие, приношаху ему села многыя; стежа же и потребная общему житию, и скоты, и тяжкое приносяще, и волы, и прочее: споспешивый же господь бог блаженному Пахомию и сперва общежитие составить, и сему споспешникъ всеоставленню монастырскому. Сему блаженному Геласию оставьленна бысть некогда келия от некоего старца, иже при Никополи той пребываше; и сия убо келия и село имееше. Делатель же некто Вакатов, иже в то время начальство бяше в Никополии Палестиньской, сродник сый преставльшегося старца, пришед к Вакату, моляше его взяти село оно, понеже по заповеди тому имети е; он же, похищник сый, своима рукама село покушашеса взяти, село от старца. Геласий же, не хотяше келию иноческую предати миряном, взяти ея не оставяше. Смотрив же Вакат скотины геласиевы, от села оного маслица носяще, своима рукама нужею отъем, в дом свой маслица принесе, едва некогда с бесчестием животная остави с последующими им. Блаженный же старец Геласий, плод ни мало възыскав, село же възяти не остави предреченныа ради вины. Распаливъжеса яростию Вакат имениа ради, судоблюбец убо бяше, в Костентиньград путешеть || твоя. Пришед же во Антьохию, тогда же бе во Антьохию велию светильнику светящу, святому Семиону чюдотворьцу — столпнику, иже на Дивьней горе; о нем же слыше, паче человека убо бяше, яко християнин святого видел; святой же Симеон виде его от столпа и въшед в монастырь вопрошаше его: Откуда еси и камо идеши? Он же рече: От Полестин есмь; иду в Костентиньград. Святой же к нему паки рече: Коя ради потреби? Глагола ему Вакат: Многих ради потреб, и надеюся святыми молитвами твоими возвратитися и поклонитися святым стопам твоим.

Глагола ему святой Семион: || Не хочу без надежды человека, рещи, яко на человека божие идеши, но не совершити будет ту, ниже к тому узриши дом свой, аще не послушееши моего совещания, и отсюду возвративъся к нему, покаешися,

аще и в живых ти сушу до места постигнеши. Абие же огнем бысть ят Вакат и от сущих с ним на носила положен, и идяше по глаголу святого Семиона постигнути до места, и покаеся авве Геласию; до Вирита же достиг, сконъчася, не узрев дому своего, по проречению святого. И паки прочтоша ему Федора Валсаалмона, патриарха антьохийского, 24 правил || толкование четвертого собора. Настоящее правило повелевает, аще которого изволением епископа освященнии суть монастыри, не быти мирским жилищем, ниже осквернятися, соблюдать же и предстоящим им вещем движымым и недвижимым; не откровенне же не изъясляют^в о создании монастырей, за еще рещи того ради, понеже, рече, по изволению епископа. Разумети же можеши пространнее, како подобают быти монастыри от перьвого правила собравшегося собора во храме Святыих апостол и от перьвыа главы правила, грани четвертыя, книги царства, яже есть глав 22, 22, 123-го Устиниана новаго закона, еже во кратьце || поставльленно есть в 1-й главе и 11 грани настоящея книги, яко: Аще неции коему любо честному дому, на коемъ любо. месте стоящему, пустьо село въдадут или продадут или инем образом даруют или оставят — не примет пакости честныа дом, или людских ради долгов, или иныа кое ради вины не отрыгнетъся, но въся таковая тягость на давъшее на их наследники навести, понужаемом тем и даа селы паки възпрятя, исьтощание прибывъшее тем честному дому отдати; аще же яко подобно некакою леностию и некая от таковых запустевъших селех || дана быше честным домом, иная убо честь ни быша, домове себе да приобрящут, запустевъшее же вещи давъшему я и того наследником возвратятся. Вопросит же кто: Каким сохранением вещи монастырския соблюдаться правило повелевает и кая суть сия? И неции убо рещя, яко подобает вся стежание монастырская, подвезная и неподвезная, яко же и самыа те монастыри, да соблюдаются неотводне цела и некосновенна. Мне же видиться, яко правило зде о стражьбе глаголет велией, сиречь о наивъвышьнем прилежании, зане предстоящих им стежаний неподвижных, тако же и о некои^х || освященных сосудех некогда попускаеться продание. И прочти весма втораго титъла пятыа книги царств, учащя^г о благословьных некои^х винах токмо заложити стежание церковная неподвижнаа, священныа же сосуды в нужи не токмо заложити, но и про-

^в Испр.; в ркл. възляют. ^г Испр.; в ркл. угощя.

дати всяким продаваем, сие глаголет, яко священныя сосу-
ды церкви Костеньгинаграда и на всяких местех стоящих,
молитвенных домов, инако несть подобно залагати или про-
дати е, но токмо на искупление пленником, аще же будут
множайше сосуды и едино еже подробно потребы творяще;
л. 350 прилучить же ся некоему от честных домов || отечену быти
долгом, честныя же дома глаголяться епископы и монасты-
ри, и не обретається ина движимая вещь рекъше, но некое
имение, им же бы подобно отдати долг, власть же есть со-
творяемому продаваю без пакости, епископу убо продающе со
свидением своего митрополита и митрополиту со свидением
своего патриарха, обильныя сосуды и инем честным домом
потребу имуть продати или зазляти или продати, и ту цену
за долги даяти, яко же да не проданна будут недвижимая,
л. 350 об рекъша села или винограды, таковое бо глаголется недви-
мая; а понеже глаголють поущаща || осквернятися мона-
стырем, да будут повинны правильным запрещением. Во-
просит же некто: Кая суть сия? Да веси убо, яко 12 и 13 пра-
вило седмаго собора глаголет: Оскверняющих священная
и не отдающих в прежний чин, аще освещенны суть — да из-
вергуться, аще же прости, или мниси — да отлучаться. И 49
правило собора, собранного в Труленалатнем, от завета свя-
того Феодора Студита, ко игумену: Да не имаши содружест-
во со инокинею, ниже приходи в женскую обитель, ниже
наедине беседуй иночествующей или мирской, аще не некая
л. 351 нужда привлачит, и тогда || двама лицема обоих стран су-
щема, едина бо, рече, удобь напастуема; да не имаши что
животно от женского пола на потребу служебную, иже женъ-
ского рода отнудь отрекися, неже в монастыри, ниже в селех.
Того же от Устинова о числех мних: Бывати же повелевает
мънишескому чину внутрь монастыря пребывати хотящим на
божественное ставление, прочим попечением монастыря
упражнятися до пятидесят сущим, кроме сущим по селом.
Того же о приношении честных же мужей, елико их приходя-
ще. Часто своего стежание движимого и недвижимого дадать
л. 351 об своим изволением или святители, || или миряне, или иноки
кто от презвитерскаго сану сие получили будут, или мниси,
или миряне, или иночествовати zde хотящеи, аще ли тех из-
воление приимати и приносимая приимати, а не отривати,
ни обрехъшего о добре уснешью и отривати: он бо желая
богу и Богородици отдати, и уповая, яко безчисленная от нея
в будущем примет животе, обручение принесение вседушевно
творит и велико приобретение мнит, еже прияти быти от него
поданному, аки на воздаяние обильно възирае, а иже того не

л. 352 пьриемля, обидит приносящего толики пользы; елико на нем
того лишаеся, подобает || убо, яко же реченно есть, таковое
благочестие хвалити паче и приносить. От жития свя-
того исповедника Николы, игумена Студий-
ского монастыря, ученика святого Феодора
Студита. Блаженный Николае преда въсего себе богу,
виде беззаконие многая, и оставив монастырь и поим брата
своего, иде в Пренет в село в монастырское и тамо пребы-
ваше, бога моля. Послаше же преподобному, воздающе на-
речение ему, яко да не будеши седяи не на котором же мо-
настырском селе, и разгневавшись поставиша в его место
игумена именем Ахила. Христов же угодник Никола изгнан
л. 352 об быв из сел монастырских, скитаеся пребываше, || от места
на место преходя, старость свою томя всякими недостаткы.
От жития святого Савы, архиепископа сербъ-
ского. Владычествующе, сербскими землями благоче-
стивому самодръжьцу Стефану, зяту благочестивого царя
Алекъсея, царя греческого, и сему предает монастырь обла-
дати и пещися им, яко о своем отечестве; сей же христоробец
о сем зело возрадовася, от своего владычества села многа
и добрейшея подает, яже и донные неподвижма соблюда-
ются во область монастыря, Хелондаря зовомого, людьми же,
и коньми, и приплоды, и всякими скоты сего обогатив, яко
л. 353 же бе и пове||ленно ему преподобным. От Никонския
книги, 63-го слова, правило 12 7-го собора.
Аще который епископ или игумен обрящется от самотворение
епископских или монастырских вне творя княжескую власть,
или иному лицу издая, нетъверъду быти даянию, по правилу
святых апостол, глаголющему: о всех церковных вещех епи-
скоп да иматъ попечение и да управляет его, яко богу на-
зирающе его, велеть же быти ему усвоити что от них, или
сродником своим, яже суть божия, роздаяти; аще ли убози
суть, и подает им, аки убогим, а не виною сих церковная
расточает; аще ли непъщует тыщету сотворяти и ни на какую
л. 353 об || пользу быти селу, ниже тако местным князем въдаяти ме-
ста, но причетником или земледельцем; аще ли хитрость
лукаву сотворят или от земледельца^e или от причетника
купит князь село то, и тако ни твердо быти продаанию, не
возвращатись пакы во епископью или в монастырь; епископ
же или игумен сие творя, да изгнани будут, епископ убо от
епископии, а игумен от монастыря, яко расточающе зле, яже

^e Эти слова повторены в рукописи два раза.

не собраше. Того же от градскаго закона и дѣру-
 гое завещание глаголет. Яко некий же еретик ни по
 л. 354 об. най||му, ни по насаждению, ни по купъли, ни по иному чему
 образу неподвижыма вещи възимает от церкви или от ино-
 го честнаго места. И сия же прочтоша Васьяну и иная.
 И Васьян отвечал: Те деръжали села, а пристрастие к ним не
 имели. И митрополит ему молвил: Древънии святии отци и
 чудотворьци села имели у монастырей, а пристрастие к ним
 не имели, но яко богу освященно и возложено соблюдали и
 сохраняли, а не свое; такожде и в нынешнее лета святии
 отци чудотворци села к монастырем имели, но яко богу свя-
 щенно и возложено, твердо сохраняли и соблюдали; и ты
 л. 354 почто мнишь и нынешних чудотворьцев || страстных? И Вась-
 ян отвечал: Яз того не ведаю, чудотворци ли то были.

И митрополит спросил: От святых отец от седми соборов
 и доньне во священных правилах еллинская учение не бы-
 вала, а ты ныне во своих правилах еллинских мудрецов уче-
 ние написал, Ористотеля, Омира, Филлипа, Александра, Пла-
 тона; а во священных правилах писано, не приложити, ни
 уняти, а и сам еси писал и възблюдити възвещал, что не при-
 ложити, ни уняти, а ты приложил еллинская учение во свя-
 тых правилах, а многое от апостольских правил и от седми
 л. 355 вселеньских собор и от местных и особъ сущих, и от градских
 законов, и иная многа, от древних лет сочета||нная, во свя-
 щенных правилах възставил еси и отметал. И Васьян отвечал:
 Того аз не помню, к чему убо буду то написал, а будет что
 не гораздо, а ты исправи.

И митрополит его спросил: Писал еси во своих правилах:
 иноком жити по Еуангелию, сел не дръжати, ни владети ими;
 аще ли не хранят своего обещания, сим святая писания мука-
 ми претит и огню вечному осуждает, и отступьники их имену-
 ет, и проклятию предает. Ино то еси божественное писание и
 священная правила оболгал, а божественное писание и свя-
 щенная правила села монастырем повелевают деръжати и
 иноком от них питатися, а дающих села господу богу и пре-
 чистой Богородици и всем святым || церквем и монастырем на
 спасение души своей и роду своему и на память вечную боже-
 ственная писания и священная правила не претят и огню веч-
 ному не осуждают, и отступьники их не именуют и проклятию
 не предают, не яко же ты ныне всех монастырей иноков на-
 рицаеши отступьников, и написал еси во своих книгах, и мно-
 гия на них строки хульныя и законопреступныя, а прокълятя*ж

* Испр.; в ркп. прокълятя.

достойныя, от своего безумия еси написал во своих правилах.
 Ино то еси еретическое мудрование мудровал, во православ-
 ных бо аще кто согрешит, но отступником не именуется, ||
 л. 356 а ты всех грешных называеши, себе же единого безгрешна
 и законоположителя именуешь. Божественное же писание гла-
 голет: Никто же без греха, токмо един бгг. Глаголет бо-
 жественное писание: Никто же чист от греха, аще и един день
 живот его будет. Апостол же Иоанн Богослов глаголет: Аще
 речем, яко греха не имеем, себе льстим и истинны несть в
 нас; аще ли исповедаем грехи наша, и кровь сына божия
 очистит нас ото всякаго греха. Подобно же ему и святыи
 Карфагенский собор глаголет, правило 115: Богослову гла-
 голующу, аще речем, яко греха в нас несть, себе льстим; раз-
 вращае убо хто сие яко не по истинне, но смиренномудрием
 речено есть сие, || да будет прокълят. Глаголет Златоуст:
 л. 356 об. Аще светел по добродетели явиться кто в житии, но всяко
 грехом побежден бывает, есть бо и очесем согрешение воз-
 рением, и мыслию, и кто может от греха чист быти? И рече
 святыи Григорей Ниский: Никто же похвалиться сердце имея
 чисто, аще и един день живота его будет, есть бо и по очеси
 согрешение, и в послушании и не в послушании, и во скотъ-
 ской гортанней сладости, и во уме, и в помышлении; сего
 ради научи нас господь глаголати: остави нам долги наша;
 мно бо согрешаем, их же не вемы, и ни во что же судим сия.
 Святыи же Дорофей глаголет: есть от воззора согрешение,
 л. 357 и аще къ||то и на себе поропъшет, и сий грех есть; святии
 убо согрешение изъявиша человеческое, отступьники же пра-
 вославных за сие именоваше, токмо аще верою кто от Христа
 отступит, сей есть отступник, сиречь еретик; тем же, аще кто
 во Христа верующих православных называет отступьники, сей
 себе прелсти и сам есть отступник. Глаголет бо святыи апо-
 стол Ияков: Аще кто мнѣнѣтся верен быти, не обуздовай
 языка своего, но лъстя сердце свое, сей есть суетная вера.
 В завещании святаго Мефодия, патриарха Царяграда и су-
 щего с ним священнаго собора реченно есть сице: Отовра-
 щаемься и проклинаем всех еретиков и христианахульников,
 л. 357 об. || и клятьвенников, и иже правоверия поборников оклеве-
 тающих и хулящих, понеже трудов их плоды рассыпати под-
 щеваются; сих убо всех святая церкви прокълѣнает и от-
 метает, яко враги истинне. В неделю православия, в поуче-
 нии еуангельском, писано есть: Проклинаем всех еретиков и
 христианахульников, их же и святохульники нарекоша. По-
 добно сим был в Цареграде некто иннок, книжен зело, Нифонът,
 православных всех законопреступных и грешных называше,

себе же единого праведного глаголаше, яко Лота в Содомах; потом же разгорьдеса до конца и вся чины церковныя похули. Таков был инок во дни великаго Варьсонофия, || превознесеся гордостию, всех грешных нарицаше, последи же и на самаго бога разгорьдеса. Глаголет святей Дороефей: Вем, рече, некогда пришедша некоего инока в сие окаянное устремление, исперьва убо аще что глаголет ему кто от братий, плюеше на коегождо и глаголаше: Кто есть он? Сиде несть никто³ же, разве Изосима и подобни ему. Таже начат и сих осужати и глаголати: Никто же суть сии, токмо Макарие. И по мале начат глаголати: И кто есть Макарие? Никто же, разве и Василие и Григорие. Таже помале начат и сих осужати, глаголя: Кто есть Василие и кто есть Григорие? Никто же, токмо апостоли Петр и Павел. И по мале времени начат и сих уничижати и глаголати: Кто есть Петр и кто есть Павел? Никто же, разве и святая троица; последи же и на самаго бога разгорьдеса. В лета же сия явись ты, Васиян старец, вся верующая во Христа православныя похулил еси и всех еретики и отступьники нарек еси, и в правилех своих отступьники и законпреступьники написал еси. И Васиян отвечал: Аз себе писал, на воспоминание своей души, да и тех не похваляю, которыя села держат.

И митрополит его воспросил: Писано во правилех Кирила, патриарха александрийскаго: Аще кто не нарицает пречистую Богородицу деви Марию, да будет проклят; || а ты во своих правилех написал то же Кирилово правило: Аще кто нарицает Богородицу святыю деви Марию, да будет анафема. И Васиян отвечал: Яз госпожу Богородицу не хую, будет писец описалься. И митрополит его воспросил: Во священных правилех писано о отце, и сыне, и святем душе, и о двою естествох божества и человечества, и о прочем уставлении божественном яко же писано в седми соборех вселенских и поместных, тако же и о пресветеи Богородици Марии и святом кресте, и о святых иконах, и тако же о исповедании православныя веры, еже есть: «Верую во единого бога» — приложили, исполнили на втором соборе и всеми святыми соборы укрепили, || а в седмом соборе, в первом правиле, неподвижимо и непоколебимо пребывати уставили, тако глаголющу в них: Несть приложити и от них нечего⁴ убавити. А ты поколебал и двинул исповедание православныя веры, еже есть «Верую во единого бога», что на I соборе изложено святыми отци, а на втором исполнено, а на третьем соборе запечатлен-

³ Испр.; в ркп. ничто. и Испр.; в ркп. из нечько.

но, а на четвертом, и на пятом, и на шестом, и на седмом укреплено к тому не приложити, ни убавити; и ты полное выставил, а не полное оставил еси и написал во священных правилех. И Васиян отвечал: Яз того не ведаю; писал то Исак Собака и правил || Исак же, и ты воспроси

л. 360 его.

И митрополит спросил Васяна: Послал еси Житие Пречистые, Метафрастово творение, Максымова переводу, во свою пустыню на Белоозеро и после того еси к строителю Христофору по то Житие Пречистые, Метафрастово творение, Максымова переводу, посылал ли грамоту, а ту строку, что совокупление до обручения бе, велел ли еси загладити так, кабы ея не знати? И Васиян отвечал: Яз тое строку не посылал, а сказал ми про нее Мисаило Сукын, что та строка тамо не бра⁴, и аз Мисаилу дал две грамоты, чтобы послал тамо, а велел бы ту книгу прислати ко мне на Москву; а того || есми в грамоте не писывал, чтобы ту строку загладити. И перед митрополитом поставили на соборе Васяна Рогатую Вошь, и Васяня Рогатая Вошь, став на соборе с Васяном с очи на очи, сказал, что таково грамоту Васиян старец к строителю Христофору послал и тое строку велел загладити так, кабы ея не знати. И Васиян отвечал: Яз того не помню, посылал ли есми, или не посылал. И митрополит спросил: То Житие Пречистые как написано, тому уже десеть лет, и тебе с кем о том Житие слово каково бывало ли? И Васиян молвил: Не бывало ни с кем. || И митрополит ему молвил: Прислал к нам из Новагорода архиепископ Макарей грамоту, а в грамоте пишет, что ему сказывал чернец Васиян Рушенин крылошенин, что жил у Чюда в монастыри на Москве, и тот Васиян сказывает о той строке с тобою спрашивался, и ты, де, поговоря с Максымом, отвечали ему сиде: Так то и надобе. И Васиян отвечал: Аз того не говаривал. И перед митрополитом, став Васиян Рушенька с Васяном старьцем с очей на очи, подал речи своею рукою, а писано так: Сказывал есми, господине, про тое строку князю — Васяну старьцу, || и Васиян, господине, молвил: Яз, де, того не знаю; да послал по Максыма, и поговорили с ним, мне молвили: Так, деи, то и надобет. И яз, господине, спросил Максыма одного о той строке, ли он рек⁴: Так, де, то и надобет. И яз спросил Селивана; и Селиван молвил: Так то надобе. И Васиян отвечал: Не бывало таго ничего, лъжет на меня.

⁴ Так в ркп. л—Доб.; в ркп. нет.

И митрополит съпросил Васьяна: Жил еси на Симонове и с неким старцем беседовал еси, а назвал еси Христа тварию; да с тем же еси старцем говорил о священных правилах седми соборов вселенских, и старец той молвил так: Святни отци на всех соборех святымъ духом писали; а ты, деи, тако рек: Дия^{л. 362 об.}волим духом писали, а не святымъ духом. И Васьян отвечал: Никако же есми того не говаривал, и хто будет на меня говорил, и ты, господине, мне того старца изъяви. И митрополит ему молвил: Говорил еси с старцем Иосифова монастыря. И Васьян отвечал: Иосифова монастыря у меня старци и в кельи не бывали — яз их к себе не пушаю, и дела мне до них нет. И митрополит велел Досифею востати и велел ему говорити, что Досифей у Васьяна слышел. И Васьян, как увидел Досифея, и молвил так: Господин мой, Досифей, старец великой, доброй, у меня в кельи быдал многожды. И Дософей Васьяну учел говорити, очи на очи, так ^{л. 362 об.} || слово в слово, как митрополиту подал списак, написав своєю рукою, а в списке пишет: Съпросил митрополит старца Васьяна Дософея на соборе: Ты жил с Васьяном на Симонове, и ты что слышал ли от него? И Дософей тако рек: Позвал меня Васьян в келию и дал ми Еуангелие неделное толковое о самареныни строку: «Тварь поклоняется твари», — да молвит: Тя-де строчки аз ещо в пустыни живучи изыскивал; было у него на мысли, хотел мя ко своей злоумие привести. И аз тогда посмотрев, да отдал. И опять есми стал смотрети тое сътрокы в церкви, и он пришел ко мне и молвил: Что, де, смотришь? И я молвил: Въчерашнюю стро^{л. 363 об.}ку. И он молвил: Покинь; Христось-де сам тварь, твари поклоняется тварь, и тогда есми ему не возразил. И он опять пришел и крикънул: Дияволим, де, духом писано. И он опять пришел в церковь, да молвить: Как твой Иосиф писал, что на седми соборех отци святни духом писали, мой, де, старец Нил не обыскивал, не писал. И опять Голове молвил: Мне, реку, ему о том, отговорити. И Голова молвил: Не говори, уморит тя. И я молвил: Того, реку, яз не боюся. И идучи от обедни, и я ему молвил: Как, реку, ты даве говорил, что не святымъ духом святни отци писали — по то реку писано: Все собравъше духовное ^{л. 363 об.}художество, святымъ духом смотривъше. || И он крикнул: Дияволим-де духом писали. И я почел с ним бранитися; да то реку: Как на первом соборе 318, а все чудотворцы, и мученики, и исповедники, Селивестр, папа римский, и священномученик Григорей Арменский, иже по многих муках и многими чудесы всю землю крести, Николае Чюдотворец, Спирidon Чюдотворец, Пахнутей Исповедник, по многих муках

око ему зврътеша^н, Павел Кисарийский, исповедник и мученик, и все великие чудотворцы, и два от них преставишась, Хрисанъф и Моисие, и они к ним во гроб изложение вере положиша, и помолишася три дни, обретоша от них писание, ^{л. 364} написанное от нихъ изложение вере. И потом после || Иефимана со мною почел говорить: Бог-де молвил к себе: Сотворим человека по образу нашему. И я молвил: То, реку, еретикы говорят; коли бы к себе, и он бы молвил: Сотворю человека по образу моему, а то, реку, молвил к сыну и дуку: Сотворим человека по образу нашему. И он умолчал, и видит, кое во мне ему части нету, и он покинул. А то есми писал, как у него слышел по християнству и по чернечеству. И Васьян всего того заперлься, а сказывает, всего того с Дософием не говаривал. И Дософей рек: Буду яз что прибавил, и аз сам таков. И Васьян молвил: Душа твоя подымет; бог меня с тобою разсудит.

^{л. 364 об.} И митрополит спросил || Васьяна на соборе: Предо мною, митрополитом, и перед владыкы, преже нынешнего собора назвал еси божественное правило кривило? И Васьян отвечал: Ино волен бог да ты.

И митрополит спросил Васьяна: И да ты же, Васьян, с Максымом говорил: Коли святитель служит божественную литоргию, и он крестит свещами внутрь олтаря и обратяся во царския двери, теми же свещами крестя благословляет народ, — и ты съ Максымом рек ли то бесъчинство? И Васьян отвечал: Того есми не говаривал.

^{л. 365} И митрополит спросил: Да ты же, де, Васьян, говорил про чудотворьцов: Господи! Что ся за чудотворцы? Сказывают, в Колязине Макар чудеса творит, || а мужик был сельской. И Васьян отвечал: Яз его знал, простой был человек; а будет ся чудотворец, ино как вам любо и с ним — чудотворец ли сей будет, не чудотворец ли. И митрополит ему молвил: Аще восхощешь судити святых, обрящешь многих и во святых пророцех — Давида, бога отца и царя, и священнаго пророка Самоила, и Елисея же, и Авъвакума, и прочихъ, такоже и во святых апостолах верховнаго убо апостолом Петъра, еще же и других; сие же порядно смотреть и во архиереох, и во праведных же, и во преподобных, во свободных же и в рабех, не убо телесное благородие, но духовное. Богом предпочтенное смотрай: Даде убо ^{л. 365 об.}им, рече, власть, иже не от похоти || плотския, ни от похоти мужския, но от бога родишася. И Васьян рече: Ино,

^н Так в ркл.

господине, ведает бог да ты и со своими чудотворцы. И митрополит его спросил: Слышали есмя ото многих достоверных яко вси православнии покланяются честному гробу и святым мощем святого Ионы чудотворца, митрополита всеа Руси, да ты, де, Васьян, един токмо не покланяешися ему и не почитаеши его, яко же достоин честь святым приносить. И *Васьян отвечал*: Яз не ведаю, Иона чудотворец ли.

И митрополит спросил Васьяна: Сам еси мудрствовал, нных поучал своему мудрованию, глагола тако: Плоть господня до воскресения нетленна; ино то супротивно Еуангелию, и Апостолу, и святых отец учению — || то ересь древняя нетленная мнмая, проклятое ото всех соборов вселенских и поместных. И Васьян отвечал: Яз, господине, как дотодѣ говорил, так и ныне говорю — плоть господня нетленна, *р до гроба* и во гробе нетленна. И митрополит ему молвил: Где ты слышал то и видал, что ты говоришь — плоть господня нетленна от воплощения его и до воскресения его? И Васьян рек: И слышал есми и видал так. И митрополит ему молвил: И ты нам скажи, у кого еси слышел и где еси видел так написано? И Васьян рек: А то^т ведает бог, да ты; хто хоцет искать, тот и найдет. И митрополит рече: Того искати нечего, зане же то мудрование злоеретическое, || то ест древних еретик ересь — и аполинарская, и манихейская, и улиянская, и валетинская, и василидская, и евтихиадская, и диокоридская, — иже по привидению, глаголют, воплотитися Христу, а не истинно. Аполинарий же и Валенътин глаголют и прочии еретици и их единомысленици, телеси господню свыше снесу быти, и яко же сквозе трубу вода, тако же сквозе Марию деву проиде Христос. Иулиянिति же и гаияните, нечестивии еретици, тело Христово глаголют нетленно от самого того пресвятого зачатия; *у* друзии же нулияните, иже суть гаияните, проклятии еретици, тело Христово несозданно и нетленно от самого того зачатия *ф*.

|| И паки глаголют окаяннии еретици, нетленномители, яко тело господне неописанно баше, яко божественное естество. Еутихивеи же ученицы, иже нарицаются еутихивеи проклятии, Христа проста и обща, глаголют, человека, по преспянию обычая оправданна, от мужескаго общения и от Мариа роженна и приведением плоть понесша, глаголют, единосушна же отцу, нам же не единосушна, понеже не испо-

о — п Доб.; в ркл. нет. р — с Испр.; в ркл. добра бо. т Испр.; в ркл. ты. у — ф В ркл. повторено дважды.

л. 367 об. ведают человеческого естества цела быти в нем. Проклятый же еретик, Карпократ, сей господа от совоку||пления, глаголет, родитися; а ты, Васьян, с Максымом также написали в Житие Пречистые такову же хулу на господа бога Исуса Христа и на пречистую богородицю. А се вам ответ о Христе и о пречистой богородици и о нетленномнмой ереси от божественных писаний, Иоанна Златоустаго и прочих святых. Златоустого слово еже о воплощении господни. Жидове Христа от мужа порожду, деву мнать, не веруют бо писанию пророк, яже не достойне почитают и не ведеет тайны; егда убо услышет, яко от девы родися господь, то о том блазнятся зле; но которое писание и который пророк не трубит о пришествии господни? О сей бо благодати перьвие Соломон, великий премудрос||ти правитель, рече: Блаженная неплоды нескверная, яже не разуме ложа во преступлении; неплодови, глаголет, богородицю прежде осенения святого духа и прежде осания солнцу, не разуме бо ложа во преступлении, ниже с мужем побеседова. Егда же слыша о несквернении Исаия пророк, и абие соломоне вещание ублажи, и той сам воспет, глаголя: Ты убо неплодове нескверьнену нарече, аз же глаголю — возвеселихся о душе святе. И се убо два послуха глаголаста: Поищем третьего разрешити тайну, и да трети послухи во правду станет. Ищемое обретох, Давыда, пения творца, да сии свидетели поминают смотрение божие, и всю тайну труб||ным изрече гласом. Что же рекоша о славнем роженнии? Исаия, разумев смысленно и печатльее духом, глаголет: Се девою во чреве примет и родит сын, и нарекут име ему Емъаноил. Соломон же паки рече: От тебе нам, пестуния свята, душа родит. Сии же слышев Давид, рече к ним: Се ли рекосте, яко родит, но в коем месте, во граде ли, или в пустыни, или во стране? И реша ему: Ты о месте и о граде скажи, болши бо ты сподобися благодати. Тогда Давид, повелением святаго духа, великим гласом прообрази тайну: Вы, рече, в тайне глаголете, аз же высоким гласом рождение господне, се бо слышехом, рече, во Ефранъте обретохом ю в поли дубрав, || еже ест во Вифлиоме. Вифлиом нарицаеться пустыни, а Ефрант глаголется утроба; слышехом во Ефранте, ты бо изыде слух, яко во ютъробе имать девоя; а еже обретохом в поли дубрав, сей ест вертеп, иде же свет явися божий; а еже въ полях, се убо мужа ради слух прияхом и ту мать господню обретохом. Се ныне от твоих три представихом ти послухи, славу девыя проповедающе. Того же Реку же ли ти, о жидовине, како девою роди паче естества;

л. 368 л. 368 об. л. 369

ты же рци противу сего, како роди Евъгу Адамъ без жены? И како девоя роди без семени? Како прозебе земля без семени; како ли источи воду несекомый камень? Како роди девоя вопрошаеши мя? || Рци ми ты, како жезл Арон процвете; како ли с небесе манна в пустыни; како ли наполнися воденос; како ли от корени Иосеова процвете цветец; како ли при Елисеи масло искипе от зда? Како роди девоя, вопрошаеши мя? Рци ты, како при Самъсоне челюсть сухая воду источи? Ръци, како отроков не опали пещь; како ли Гедионе руна воду источи? Рци, како при Моисеи возгореса камень без дров, или како горяща купина и не согораше? Рци, како не опали Илия на колесници огненной? Рци, како Моисей въниде во мрак и паки изыде; како ли Исаия виде господа седяще на престоле висоце? Рци, како обави || Данил Навъходонасора наря сон и како Езкеиль на колесъници херувимъсте виде господа? Како роди девоя вопрошаеши мя? Како Иеремие пророк во чреве осветися? Рци, како мертвыя кости воскресе тогда; како Моисей море предели жезлом? Ръци, како при Исусе Иеръдан възвратися, или како роди в ночь день? Како роди девоя вопрошаеши мя? Рци ты, како солнечный зной греет мир и како небо звезды обавляет? И еще сих множайша суть тайне неизреченней преображение; да аще сия скажеши ми, жидовский догматече, и аз же веде, яко разумееши рожество девыя; но ты чюжд еси и тех и сих таин, мы же и сии и та велрою прославляем. Испытай пророки и разумей глаголанная о Христе, како венчают проповедь господню, и елико сотвори и пострада. И прежде вам селицех род написаша, перьвый моляшеса Давыд, глаголя: Господи прекълонь небеса и сниде. А понеже яко отроча хотяшеса родити, Исаия глаголет: Отроча родися сын нам дан бысть. А понеже не хотяше възяти мати его и бежати во Египет, Иеремия глаголет: Господь седит на облаце легъце и придет во Египет и разрушится руковоренная египетская, облак легок деу прозва семени человеческа тяготы не емъшу. Того же от слова о Давыде цари и о Павле апостоле. Послушай, супротивъниче, о сошествии пророка, глаголюща: Сниде, яко дождь || на руно, приде бо сын божий, не тресый вселенную, ни блистание пушае, ни шибения сля, ни нагим божеством явъляе себе; аще бо божество видимо было бы, не быша горы стерпели, солнце бы угасло; аще бы наго естество показал, луна бы исчезнула, земля бы погибла и естество наше все погибло и увяло бы: сего ради не дльишюя облечеса в наше тело, никому же сведущу, ни чювъшу, во чрево девиче вселися без семени. Того же от сло-

ва о святей троицы. Не терпя милостивый господь бог наш зрети создания своего злым бесом повинувъшеса и теми погубляема, абие устремися щедротами своими на избавляе-
 л. 371 об. ние наше и преклонь небеса, || сниде яко дождь прообразовавый древле Гедионови руном, слово вниде во чрево непорочныя и пречистыя девы, не от плоти, ни от крови заченъся, но безсеменное и неизреченное рожество имеа безо отца на земли; не ищи убо ему на небеси матери, безначален бо есть от отца; ни на земли ему ищи отца, неизреченно бо есть зачатие его: слово сый божие, во ипостаси своей волею плоть бысть, въкупе естеством бог и человек, не возгнуша бо ся преступлением во тление лежаще человека, но яко и ризу нося возвлече плоть человечю и божеством своим обнови. Великаго Афонасия слово на стретение господне. Се и мое, еже к вам человеколюбие, еже не хотех зрети мой образ || люте от бесов, неже не хотех зрети царя твари але твари работающей, еже не терпети отступника гордого на мое бедне возносящего создание, сия мя от оческих и неотступне востати недр и еже до вас плотню шестивие се устроити сотвориша, сия мя родитися и мълadenствовати и светилищу предстати и на твою руку, Семйоне, возлещи убедити, не бе бо иначе мучителя свезати и того сосуды расхитити, аще не подобне вам, разве и греха, причашуь человечеству; не бе иначе многоплетенных адамовых мрежей Адама избавити и первое устроение воспряти и бога по благодати того усъстроити, аще не аз человек буду и тем же 7 об. тому причашуся существом и естеством, и да ни почюдишися, ниже умом иступиши и удивитиши; сие бо таинство сокровенно бысть от веков и родов; сие великий отец совет и проповедание, его же вестник аз богоглаголивым преднареченых. Того же. Егда же 30-ное лето прииде, время Иоанново, креститися имам крещение, и предан буду, и связан и ко Коияфе веден буду, и заушен буду, и копом прободен буду, и во гроб мертв яве затворен буду, и все есть человеческому свойственное естеству подобно вам, кроме греха, восприиму. Святого Иоанна Дамаскина от слова, еже о святых иконах. Наречеши ми всяко, яко Христос не описан есть, и недомыслим, и безстрастен, и непостижим, и аз тебе глаголю: но плотию || описуется, яко же явися на земли со страстьми ея; но паки речеши ми, яко прочих разлучити плоть от божества; но послушай, супротивляйся, яко никогда же разлучишися друг от друга, ниже во утробе матери, ниже во крещении, ниже на кресте, ниже во гробе; но речеши ми, яко аще никогда разлучишися, како плоть описуе-

ши едину; но ръци ми, еретиче, кто съсал млеко от девы матери, не плоть ли, и кто ста наг во Иердани, не плоть ли; кто еде, или кто пий; кто ходи; кто распростре руце на кресте; кто положень бысть во гробе: не плоть ли сия вся претерпе, плоть божество же не отлучися? Святого Козмы на стретение господне от слова. Испытайте писание, 373 об. яко же рече || во Еуангелие Христос, бог наш, в них же обретаем того рождаема и пеленами повиваема, полагаема же и мълеком питеема, обрезаема и Семионом носима, не мнением, ниже привидением, но истинною мируи явльшеся. Отъ повести, еже на обрезаение господне по плоти. Яко же бо плотское рождение господне нас ради иная вся по естеству елико всели конечно порока угонzenie постижимое восприят, такожде же и обрезание восприем законное, тако и еретическая заграда уста, плоть не приемъшу дръзующих глаголати, но привидением родитися; како обрезался бы, аще не приял бы плоть? Святого Кирила Александрийскаго слово, еже в неделю цветоносне.

л. 374 Существенное слово отче соединись || земному существу материю, иже древле погребенный образ обновити хотяй, быв человек, высокое сохрани божество не преложе во страсть, бестрастное божество не причащяся греху от согрешшего естества. Того же. Сего бо ради безплотный воплощается, да иже имать божество не возможно, сие приемлет человечеством возможно. Того же. Но яко человек сугуб бех понеже и рыда, и стени, и слези, и трудися законом нашего естества, не бо отвержеся их же естества нашего не от ложных страстей бог слово, понеже убо сия прежде сих отвергли бы; не спит в корабли бог слово, не воздремлет бо и не уснет храняй Израиля; но спит плоть наша, юже прият || божие слово; не альчет, не трудиться от путного шествие божественное естество, яко же Исаия рече: Бог великий крепок, не възалчет, ни трудиться. Вопрос: Како убо альчет? Ответ: Плотию, иже от нас. Вопрос: Како умертвися? Ответ: Плотию, иже от нас и животворит же духом. Вопрос: Како землю колеблет? Ответ: Божеством отца. Вопрос: Како ада попирает? Ответ: Божеством, иже не от нас. Вопрос. Како рече: Аз и отец единое? Ответ: Горьким превечным рождеством. Вопрос: Како отец мой болей меня есть? Ответ: Долним от девы рождеством. Великого Афонасия от слова, иже на арияны. Подобаше же им слышешим: Аз и^x отец едине есве, едино л. 375 божество видети по свойству || отча; слышеше же, еже плакался и подобных, те своя телеси глаголати паче же во обоих

^x Доб.; в ркп. нет.

сих имуть вину, яко подобну, понеже ово яко о бозе писано есть, ово же за человеческого тела его глаголется, не бывают бо во безплотии плотская, аще не бы тело взял тленно и смертно; смертное бо бяше святая Мария девица, от нея же бе и тело Христово, тем же и нуждаешь во страждущем теле, и плачущи, и тружующися бывъше ему того глаголатись и с телом, и сия суть плоти своя; аще убо или плакалися еси, не бяше слово смущаемо и плачесь, но плоти то бяше свое; аще ли же и молился еси прииди ти чаши, не бе божество боящеся, но человечества бе свою || та страсть. Того же. Показавый тот тело страстно, еже попушати ему плакаться, и алькати, и своя телеси на мне показоватися, сими бо знаем бываше яко бог сый бестрастен, плоть страстную прият; от дел же показовашеся плоть страстную прият; от дел же показовашеся слово сущее божие и после же бывъша человека, глаголя: Аще не веруете мне, видяще мя во человеческого тело оболкъшеся, но по делом моим веру имите и разумеите, яко аз во отци и отец во мне. Того же. Плоти убо страждущи не бе, кроме слова, того ради глаголется и л. 376 страсть и божески тому отче творяще || дело не бе кроме его плоть, но в томъ теле яже пакы господь творяще, того бо делма и человек быв глаголаше: Аще не творю дела отца моего, не имете ми веры; аще ли же творю, аще мне не имете веры, делом моим веруйте и видите, яко во мне отец и аз в нем,— тем же потреба бысть тещу Петърову, болящу огнем, воставити человечески, и простре руку божески, иже устави недуг; на роженем слепце человеческо от плоти испущаще плевание, божескии же отверзаше брением; о Лазари же глас яко человек человеческии же испущаше, божескии же яко бог Лазаря воздвиже из мертвых,— се же сице бысть и показанна бываше, яко не привидением, но по исти||нне бе имея тело; подобаше же господеву во человеку во плоть облачашусь во всю своими страстьми облещися, дая же свое ему глаголемо суще тело, такожде же и тело страсти своя ему точию глаголяться, аще и не накасахусь ему по божеству его; аще иного бе тела того да глаголються и страсть; аще ли же плоть словеси слово плоть бысть, нужда есть и плотския страсти того глаголатись, его же и плоть есть, его же ли глаголються страсти; какия же суть? еже осужденну быти и еже биену быти, еже же дати и пропятие, и смерть, и другия немощи телесныя, ведати же имать всяк воистинну и бестрастное существо словеси и глаголемыя плотию || л. 377 немощи его. Добро есть слышети блаженного Петра; той паче достоин свидетель о спасе, пишеть бо во епистолии, глаголя: Христу

убо пострадавъшу нас дельма плотию, тем же и едда глаголется альча, и жажда, и трудися, не ведети, и спати, и плакаться, и просити, и рождаться, и отметаться чаша и просто всему плотскому реченну бывающу о нем, альчюшу и жаждущу за ны плотию, не видети глаголющу и заушаему и трудящу за ны плотию, и возносиму паки, и рожаем, и растяшу, и боящюся, и крыющюся плотию и глаголющу: Аще мощно естъ, да преидет чаша сия; и биенну за ны плотию, и отнуд все таковое приемлюще за ны плотию, ибо ни сам апостол того дельма не рече Христу пострадавъшу, но страдавъшу за ны плотию, да не самого слове свое будет все то существом, но самыя плоти своя существом страсти явиться. Еуангелие от Матфея^ч. И поем Петра и оба сына Зеведеова начат скорьбети и тужити; тогда глагола им Исус: Прискорьбна естъ душа моя до смерти. Тълкование: Не въсех учениковъ поем, но триех сих, им же показа славу свою на Фаворе да не, видевъше его, молящюся и стужающюся, соблазнятъся, обаче же и сих оставль и отшед особь молиться; устроением же скорби истужається, яко да уверит, яко человек естъ || воистинну человеческого естества, еже смерти боятиса, понеже бо и не по естеству въниде смерть в человеки, и сего ради естество человеческое боитиса и от нея божет. Еуангелие от Марка^ч. И поем Петра, Иякова, Иоана с собою и начат ужесатиса и тужити, и глагола им: Прискорьбна ми естъ душа моя до смерти. Толк: Поят же три едины, иже славе его самовидци быша, на Фаворе, да видевъше преславная, видеть и скорьбная, и уведеть, яко тьй воистинну человек сый и скорбит подобно нам, и тужит, понеже бо всего человека восприят естественными обычеи, и всяко скорбит и тужит по естеству, ибо человеци естеством к смерти не сладце подлежим, еже бо реши: Да преидет чаше сия, яве человеческое. Того же. И паки шед, помолися, тожде слово рек, да въторым молением уверить, яко естеством поистинне человек бьше. Того же. И паки убо третие молитиса вин ради, яко же выше рекохом, яко естеством поистинне человек. И от Еуангелия, от слова 28-го. Сия же человека себе нарицает господь, уверяе, яко воистинну плоть приял естъ, а не мечтанием, яко же неции мняху. Того же в неделю по рождестве христове. И бегал же господь, да уверит, яко человек бьше воистинну, аще бо в руках Иродовех удръжан бы был, || убити его всяко восхотело бы, и аще бы был убиен, како бы спасение человеком было; аще

^ч Напротив на поле написано зачало 108. ^ч Напротив на поле написано зачало 64.

ли сосекаем не умирали бы, мнелосе бы, яко мечтанием воплотиса господь. Апостола Павла послание к римленом^ш. Бог сына своего послав в подобие плоти греха. Толк: Иже в подобии не к плоти зрит, но к плоти греха, не ину бо от нашеи соедини себе, но негрешню, яко же рече в подобии гршньныя плоти безгрешный же; тако и святыи Кирил в 15 книге, еже на Улияна: Тело, рече христово не греха тело, но подобие плоти грешньныя. Святого Василия к заповолскому епископу. Являється господь естественныя страсти восприем на извещение истиннаго || воочеловечения, а не привидением; а еже от злобы к страсти, елико чистый живот наш сквернят, яко не достойны пресвятаго божества отметае, тем и рече в подобии быти ему плоти греха; но убо плоть нашу прият со естественными ея страстьми, греха же не сотвори. Ко евреом^ш. Понеже убо, рече, дети причастишася плоти и крови и тои преискренно, еже естъ подобно от истинны, а не по мечтанию коему, яко же еретици глаголют, и той плоти и крови причастен естъ, да и в сем явит, еже быти. Мы же, чада, во чтение божие причастихомся плоти и крови и во тленных и земьленных телесех, и сея ради || вины единачадое слово божие живот по существу сый причастися тех же. Того же. Понеже весь восприати сподобиса се прочие по последованию должен по всему подобитиса человеком, ибо родиса, и возрасте, и еде, и пи, и успе, и воста, сия же вся устрои, рече, не по иному чему, но да помилует сущее на земьли и привьлечет отпадение. Еуангелие от Луки^б. Бысть же, егда глаголаше сия, воздвигши жена некая глас от народа, рече ему: О блаженно чрево, носивъшее тя, и сосца, яже еси съсал. Толк: Фарисеом и книжником, оклеветающим чудеса господня, жена же не леностное и простое естество хвалит, где суть, иже в мечтании явитиса глаголющу господу, || се бо и сосца съсал послужествуется. От толкования, еже от Иоанна. Плотию бо ходящу господу, от хлеба пишу приемлющу, хлеб он едмый в тело его въхожаше и смешашеся со святою его плотию, и возрастание и составьление солагашеся по человеческому. От жития святого Илариона, епископа меглинского. Блаженный же Иларион, восприем слово ко злым еретиком, рече: Аще по провидению воочеловечиса Христос, яко же непъшуете, или от небес снесе плоть и яко во осмый день обрезася по древнему закону, сие бо едино точию довольно

^ш Напротив на поле написано зачало 206. ^ш Напротив на поле написано зачало 307. ^б Напротив на поле написано зачало 58.

възустити бляди неразумных, обрезание бо плоть быша на-
 л. 381 шей плоти сродна, проявлено || убо показася, яко по истин-
 не вочеловечися от чистых девических кровей и яко нашу тлен-
 ную и мертвенную възят плоть, и ту обожив, на небеса воз-
 несе и одесную спосади, и яко от девических чистых кровий
 плоть възят. То го же. Како же пречистую богородицю выш-
 ний Иеросалим нарицаете, от которого писание, от которого
 святого, или пророка, или апостола? Кого убо сего безумию
 учителя имуща в толику себе пропасть злобе въринусте, поне-
 же светло и явъственно еуангелисъту Матфею глаголющу:
 Исус христово рожество сие бе — обручение убо бывши
 матери его, Марии, и Осифови, преже даже не снитися има,
 л. 381 об. обретася имуща || во чреве от духа свята. и прочее, и прошед
 убо тонько частне о рожестве его и прииде даже до волхвъв и
 глаголет, яко прешед в дом, видеша отроча с Мариною, мате-
 рию его, и падъше поклонишася ему. Тако же и Лука ве-
 легъласнейши сказуеть, еже по плоти господне от Марие Бого-
 родица рожество; и на многа свидетельства от Еуангелия и
 апостольския книги обрящет, яже сия книги точию вы приемъ-
 лете и почитаете, инья же отметае, яко пречистаа Богоро-
 дице Марие роди во плоти господа нашего Исуса Христа,
 сего ради и спас во еуангелийской книзе множицею себе
 сына человеческа именует. Се и zde показаем истинну, яко
 л. 382 благовесть || ници нигде же именоваше святую Богородицю
 вышний Иерусалим, яко же вы непъшуете. Откуда же паки
 изобретосте хулное оно и богоненавистное учение, его же
 бесове рещи ужесаються: они бо Христа сына Давыдова име-
 новаше, вы же того плоть от небес сошедша бестудие деръ-
 заете глаголати от последънего безумия; аще небесно бе те-
 ло Христово, не хотяще человеческим подлежати страстем не-
 применным, глаголю же альчьбе, и жажди, и сну, и труду, и
 печали, и слезам, и елико такова. Аще небесный человек бе
 ему по составу слово соединися, не бы тленен, и смертен, и
 л. 382 об. земьлен, небеснии бо жителие ^ы нетленни || суть и бесмерътни:
 каа же бе потреба, еже от девы воплощению? Нё точию же,
 но и по възкресению спас уверяе свои ученики, яко не
 приведению или мечтани есть плоть, яже от нас прия, рече:
 Видете руце мои и нозе мои, яко сам аз есм; осежите мя и
 видите, яко дух плоти и кости не иматъ, якоже мя видите иму-
 ще. Аще привидение бе, чия ребра Фома осеза? Слышите убо
 и Павла великого, глаголюща ко евреом: Понеже убо дети
 приобщишася плоти и крови и ты подобне приобщися, тем же

^ы Испр.: в ркп. житетелис.

воздражаше и мнение небесных плоти привидение, ангел бо
 л. 383 когда приемълет, но от семени Авраамля, откуда же || дол-
 жен бе по всему подобитися братии; се проевъленно бысть;
 яко Христос тленну и мертвенну възят плоть от пречистыя Бо-
 городица Марии. Некогда же паки недугом прельстих, пьяни
 суще, приидоша ко блаженному, глаголюще мъногая и свою
 утъвръжающе ересь, семо и овамо прелогающе и хвалящесь
 православне мудръствовати и вся предание деръжати цер-
 ковная, тако же и святых службы, и посты, и вся иная пра-
 вославна суца и от соборных предавших церкви. К ним же
 кротьким сердцем, кратъчейшим же мудрованием отвеща
 Иларион: Добре яко воспоменуе от соборных церкви, бо
 л. 383 об. добре || яко воспоменуе наченъше соборных церкви, добре
 приемъше от самовидец слово святых апостол, добре уставъ-
 ленная и преданная негоколебимо даже донине деръжит, яже
 и вы крепъце, и непоколебимо деръжаше даже до четвъртаго
 собора, иже в Халкидоне, от того же отвергъше себе от собор-
 ных церкви некоторым Еханием, иже и Мантакуний прозван
 бысть, иже с ним скверными иереи евѣтихиево и диоскорово
 злословие приемъше, преложение нечестивых велену деръжа-
 сте и глаголете не прияти Христу единосушную нам плоть, но
 л. 384 нетленну некакову, и безстрастну, и тоньку, несо||зданну и
 небесну; сиевое убо хульное веление соборных церкви ниже
 прият когда, ниже предаде. Аще убо нетьленна и бестрастна,
 и небесна бяше господня плоть, бестърастное бо не трудится,
 ни спит, ни яст, ниже пьет, ни рукама осезается. И кто же
 спя в корабли, а не наше ли естество? Кто о граде поплака?
 Кто над Лазарем прослезил? В дому же Симона прокаженного
 кто возлеже? Кто ноги омыт учеником? Кто таинство преда-
 де? Кто связан веден бысть во двор Каияфин? Кто на кресте
 повешен бысть? Къто во гробе положен бысть? Кто по вос-
 кресении учеником рече: Осежите мя и видите, яко дух плоти
 и кости не иматъ, || яко же мене видите имуща? Се яве по-
 казахом, яко истинную владыческую нашу сию плоть господь
 одеяся. Они же утесняеми от истинных блаженного глагол,
 хульное се отвещаше, глаголюща: Та явьшесь господня
 плоть соединъшися божеству бысть едино естество Христос.
 К ним же премудростная она отвеща душа: Аще едино есть
 естество Христос, и то все божество христово естество от
 отца неразлучно беяше, проявлено же яко и плоть хри-
 стова во време сътрасти соединивъшеся, христову естеству не-
 разлучна бе от отца, и како стража доле деръжима, и ра-
 нима, и прободаема, и поистинне умроша и во гробе мертви
 л. 385 недвижима лежаще. Аще убо || плоть христова божество бысть,

како сам Христос глаголаше: Боже, боже мой, вскую мя оставил? Како же к Марии глаголаше: Марие, не прикасайся мне, не бо въздох ко отцу моему. Како же и ко апостолам по воскресении глаголаше: Осежите мя и видите, яко дух плоти и кости не имать, яко же мене видите имуща,— и иная премногая такова о вочеловечении христове яснейше тѣрубы свидѣтельствуют. Паки же во трисвятей песни приносяще, еже святыи, бесмертныи и распныи, и явственнѣ свое изъявляете безумие, паче же нечестие. Аще убо бесмертная плоть, и нетленна, и небесна, како же распятыя? Аще роспатыя, како ту божество нарицаете? От жития святого Еutihия, || патриарха Царяграда. Во дни святого Еutihия, патриарха Царяграда, устремися некто глаголати гнусную сию и пагубную ересь, глаголя, яко нетѣленно тело господа бога нашего Исуса Христа. От того зачатия родись и мало не всю вселенную воскорѣ погуби, аще не бы предварил Монфинеос Евтихийе, отгоня и обличая вѣредоумие их, показав от божественнаго писания свидѣтельство и указание премнога от святых апостол, пророк же и учителей, недуга бо, рече, неисцельна, еже глаголати нетленно прежде воскресения тело господа нашего Исуса Христа; кто бо есть безумен рещи смея нетленно тело господне от того соединения? Аще бы тако, то бы мечтание, а не истинна мнело воплощение || и вочеловечение божие слово. Како же нетленное тело обрезание прият или Пилат с нами повис или мѣлком напоися, и како трудися, яко же пишет, на кресте гвоздинное пригвождение и копейное прободение — нетленное место не имать глаголати. Того же от инья повести. Плевелом всеетель благостояния и уставаа церковного не могый зрети учение, мерзскими яко некими мечтании поколебати церковь окушаша, злохулники некия подвиг, еже на воображении благочестия, яко же от святыа девица от Христа зачѣньшася плоть прежде сътрасти нетленна бѣше, и царю нечестивому учению повинувше, изгнан бысть со стола великия Еutihий, патриарх || Царяграда, и заточен, злочестне гонание^в обличающу. Иоана, митрополита ниского, от слова, еже обличити армены. Понеже убо Еutihий и Диоскор, и Тимофей, Елури и их единомысленики плоть христову во привидении проповедаше, и сего ради едино естество во Христе манихенскыи похуливше, и вся святыа и богоносныа дрзнувше нечестивно на своем разбойническом соборе, ижи во Ефесе втором, прокъленьше и православную свою веру

^в Так в ркп.

отвергше, и сего ради от слова папы римского и от святого великого вселенского собора, иже в Халкидоне, извержены бывше и во проклятии и анафеме предани, и яко нечестивии манихеоне и христорборцы от соборныа и апостольския церкви отогнани быша святыми святители всеа вселенныа и в заточение отослани. Сих нечестие и отгнаны хулы, и злословие и христорборствыя арменове наследовавше, и тмыкратицею сия умножиша, тако же и великое отвржение и страшную ересь Иулиана Аликарнасейскаго нетѣленномнителя обновивше, и воплощения христова ся явно отметающеся, тако глаголют, яко тело нам единосущественное дебелое, смертное, страстное и перъстное, тленное же и созданное Христос не възят от девы Мария, но тело нетленно, тонкое, бестрастное, бесмертное, и явися, рече, человек, яко же восхоте, и еде, и пий, яко же евися || Аврааму яде и пий; потом же паки и ту безплотную и невещественную плоть отнюдь отметающе и от своего нечестивого и христорборного сердца лъживыа басни замышляюще, глаголют, яко и то невидимая и бесмертнаа и нетленная плоть во естество божественное превратися, и уже не имат Христос в себе целое наше естество, не тело, нам единосущественно, ни плоть, ни кости, ни глава, ни руце, ни нозе, ни образа человеческого, но бысть прост и неслужен, яко же бе и преж воплощения, яко же бы капля медвенная, или оцетная раствориться и утопиться в пучину морскую, уже невидима его и не пребывает, тако же, рече, и тело оное, еже Христос || прият, растворися и погрузися в пучину божественну, и уже не видиться во Христе, ниже цело в нем пребывает, не сохраняет свое естество и сего ради, рече, несть во Христе двою естеству, божества и человечества, но едино естество все божества. Тем же и преданию соборныа церкви и таин христовых, но едино естество, им же о Христе хулет, вся превративше и вся преложивше, и комъkanie же святых тайн, еже есть хлеб заколение плоти христовы, не телом христовым глаголют, яко же сам господь рече, но божеством; и семи баснословие и хулами подпираеми, яко же тростеною палицею, себе подтвърдивше; воплощение бо единочалого сына божия вся четыре Еуангелия || показывают и вси апостоли с богоносными отци проповедают, сии же отнюдь отметаються и отрицаються. Тем же и мы не исправити хотя сия пишем, исправити бо их не мочно и самым аггелом, аще бо самому Христу, сыну божию, воплощенному богу, и еуангелистом и апостолом, не повинующеся, ни верующе, ни которому иному святому учителю земному или небесному аггелу веры имуть, или повинуются; но убо да и тех нечестие и христо-

борства от самого Христа, и от Еуангелия, и от апостол обличивше и христовых отметьники и манихионы показавше, яже от православныя веры, иже от них всегда прельщаемыя
 л. 389 от их нечестие избавим; аще бо Христу неверуют, || о себе глаголюще, ни еуангелистом, ни апостолом повинуются, проповедающим во плоти по нас Христа бывша, не святыми богоносными отци убогаются, яже согласна совершена бога и совершенна человека во двою совершена естеству Христа исповедают, ниже пакы своим книгам торжественнымъ веруют, две естестве и две действе о Христе учащим, яко же многожды явихом и обличихом, и от своих книг, арменьским языком написанных, како не суть явственна христорборци и манахионе, и едино естество, и едино действо о Христе хуляще по воплощении? Аще убо Христос иная учит о себе, и
 л. 389 об. еуангелисты же, и апостолы, и святин отци, сие же инаа || супротивная Христу, и еуангелистом, и апостолом глаголют и проповедают, яже ни еуангелисты, ни апостолы рекоша, что иное являють, но токмо явственно, яко отметьници суть Христу, Еуангелию, апостолом врази и святым отцем супостати быша. Да рекут убо нам вси лукавии еретици арменове, иже слепи ко свету, иже премудрости ненаказани, иже ради Христос туне роспят, неблагодарственная создания, лукавого сотворения, откуда, или от коих еуангелист и апостол, или богоносных отец такового обретоша, отвржение тако проповедают, ни плоть, ни кости, ни естества человеческого, ни хотение, ни действия Христос имать, но божество, токмо || едино и просто, и несложно, и едино естество и действо, яко же и преже воплощения о Христе проповедати не ужасаются? Они же обличение своя ереси разумевающе, лицемерием и лестию отвещают: Ей, рече, бога и человека глаголем же Христа; к ним же да речем тако, яко добре написа о вас великий Григорей Богослов, глаголя: Не прост язык обретаю ормен, но zelo таин и покърытий исполнен⁹, сиречь неправыя. Аще убо исповедаете Христа ни плоть, ни кости, ни естества человеческого имуще, ни действия, ни рабяго образа, ни тела състрастного, и смертного и тленного, и нам единосущественна, но
 л. 90 об. едино естество все божество просто || и несложно, то како бога и человека его лицемерно, на прельщение слышещих, глаголюще, не срамляйтесь: каковый человек есть Христос, не имея ни плоти, ни кости, ни образа раbie, ни естества человеческого, ни хотения, ни действия, ни главы, ни руце, ни нозе? Аще же сия вся исповедаете, яко имать Христос по ис-

⁹ Доб.; в ркп. нет.

тинне, а не по мечтанию, то како не имать явно Христос два естества, божество и человечество, яко же не имать два имена, бога и человека? Лицемерием на прельщение слышещих глаголете? Аще бо плоть христова на естество божественное превратиться и единосущна божеству бысть, и едино божество есть отец и плоти христова, яко же тии еретици поючают, и
 л. 391 сего ради едино естество есть христово все божество, явно есть аки и плоть христово во всяком месте и времени от отца неразлучна бе, яко же и христово божество. Аще убо плоть христова естеством божество бысть, то како во време страсти на небеси не бе христова плоть от отца неразлучна, и во аде с душею его, и в раи с разбойником, и во всех без недостатка и неразлучна, яко же и божество христово бе со отцем, но во гробе лежаще мертво и бездушно и недвижимо тело христово, аще и неразлучно бе от оного христово божество? Аще бо возмут еретици армени ековати пресвятое тело христово божие, во време страсти на небеси неразлучно бе от бога и отца, и сидяще с божеством и во гробе, и во аде со душею, и в раи с разбойником, и везде без недостатка, и
 л. 391 об. неразлучно, и не||раздельно, яко же и божество его явно, яко и плоть его естеством божество бысть. Аще же во гробе лежаще тело христово мертво, и бездушно, и недвижимо, ни на небесех с богом отцем не сидяще, ни во аде со душею, ни в раи с разбойником, но во гробе токмо единым лежаще, то како не суть сии лъжеве и еретицы и христорборцы? Аще убо плоть христова божество бе, то како сам господь на кресте глаголаше: Боже, боже мой, възъкую мя остави? Аще убо плоть христова божество бех и на небесех от отца неразлучна, то како господь едино божество разделися и себе остави? Но что глаголють с ким безумии, яко се глаголы смиренныя господь диявола дела глаголаша, дабы не убежал от него? || О ле же срамного их и бестудного лицемерия их, явно Христа лицемерником глаголют? Ина убо имети в сердци, иная же языком глаголати, яко же бо сами полни лицемерия и лукавстве, такового же и Христа именовати не убояшеся, беззаконнии; но бог всемогущий Христос иже вездех сый, где б могл диявол бежати от него; но яко иными многими обличени, тако же и сими нечестивии обличаются; ничго же ни едино от учения святых отец ни разумети, ни учити, ни собою басни лъживыя замышляти, дабы токмо возмogli плоти христовы отврещися, сии бо смиренныя глаголы, яко же все святини и богоноснии отци согласно от святого духа навькъше, толкуют: Христос на уверение || своя плоти и человеческого естества глаголаша и деяше, а не по лицемерию, дияволя, дела;

какo бo глаголаше прежде Лазарь умъре и радуяся вас ради и яко не бех ту? Аще бо и плоть его естеством божество бе, везде бы и безпрестани и неразлучна и неописанна бе плоть христова отца, яко же и божество его, яко же и сам господь глаголет о своем божестве: Аз и отец едино есве; и паки: Аз во отце и отец во мне; то како рече Марии по воскресении: Не прикасайся мне, не бо въздых ко отцу моему; и паки то же дея, апостолом по воскресении рече: Осежите мя и видите, яко дух плоти и кости не имать, яко мя видите имуша? Аще л. 393 убо плоть христова в божество превъратися, явно есть, яко не бе уже плоть, не дух невеществен, и огонь поедает, яко же господь учит, глаголя: Дух есть бог; рекий же апостолам плоть имети и кости, и паче по воскресении, евълает, яко армене отметъници суть плоти христовы и христорьцы. Аще убо простое тело христово, ни безначальное, ни собезначально отцу, ни соприносущественно отцу, ни несозданно, ни превечно, ни невидимо, ни неописанно, ни неосезаемо, ни необразимо, ни дух, небо и землю исполняе, ни божество, ни герсть, ни несложенно, невидимо аггелом и человеком, ни огонь поедает, то како естеством божество есть, яко же безглавнии бледословят? Яко же бо слово плоть бысть непреложно, ни л. 393 об. преврати во || свое божество плоть, но бог непреложен пребысть тако и плоть его обоженная непреложна и непревратна от своего естества и божества не преложиша, ни в естество божества превратися, и сего ради бога и человека Христа во двою естеству и действию и во двою волю вси святии его исповедают и проповедают. Аще же плоть христова в естество божества превратися, яве есть, яко Христос совръшен человек не может глаголатись, аще бо Христос о своем убо божестве глаголет: Аз и отец едино есве, а о своей плоти рече: Отец болий мене есть. Собор арменский. Сии же богоборци армене, отметающеся воскресением и хулением на^ю гънуснем своем соборе, иже бысть в богомеръстней стране их глаголемей || Товин, прекослове пишуше, глаголют: Иже л. 394 кто не глаголет плоть христову равну быти бога отца божеству, да будет проклят, то како не суть явно богоборци и нехристиане, Христа самого проклинаяще и ученики его? Видите ли армени, седалище бесовское, в колико нечестие и безстыдство въпадосте, яко не токмо иже в Халкидоне собора и с ним вся святыя хулите, но и самага бога нечестивно проклиняете? Аще убо Христос свое воплощение уверяе, глаголаше Иудеом: Что мя ищите убити человека, иже истинну вам глаголах? И Па-

^ю Испр.; в ркп. и.

вел же великий апостол к Тимофееви пишет: Человек Исус Христос, давый себе за вы и паки человеком смерть и человеком воскресение мертвым. Сии же глаголют, || яко несть человек Христос, но токмо бог, ничто же лишше имея от отца во своем естестве; то како всяко христиане именоватися могут, а не паче дьяльяне. И рече убо Иоанн Богослов: Плоть бысть вселесе в ны; како же не рече, яко плоть словом претвори и в божественное естество преложи? Павъл паки к Тимофею пишет о вере, глаголя: Во истину велико есть смотрение таинство — бог явись во плоти; како же не рече, яко и пълоть божество сотворил? По летехъ убо 300 и 18 по вознесении христове, 300 и 18 святии отцы в Никеи снисодшася и изображение веры написаше, како подобает христианом исповедати сына божие, и рекоша о Христе, яко сошедше с небес, и воплощся, || и вочеловечьшася, распята же, и погребенна, и воскрешьша и восшедъше на небеса, и сядящего одесную отца. Аще убо плоть в божие естество преложена ведаху, како не преложиша в веру, яко одесную отца седша и плоть свою божество превративъше, яко же и сии нечестивии нечестие ради плоти христовы, но отвръжение ради телу его творяще, баснословет, супротивная убо Христу и его апостолам и богоносным отцем учаше, чюжаются от Христа, наследивъше анафему, яко же рече святой Павъл апостол: Аще кто благовестит вам инако, яко же прияста, да будет проклет! л. 395 об. Убо плоть христову во естество божества превратитися || и единосущну божеству быти, ни Христу рекъшу, ни евангелистом написавъшим, ни апостолом научивъшим, ни святымъ отцем 300 и 18 в вере преложивъшим, или поменувъшим, сами ти да будут проклети, христорьцы еретицы арменове, учаше и проговедаяще чрез оно, еже прияша, и да погубит я господь, глаголющая лъжу; яко же и Великий Афонасей Александрийский, обличае их, пишет сиче: Кой ад отринутаго глас глаголющего единосущну быти плоти и богу слову? Тако же и святой Кирил Александрийский ко Уконсу епископу тако пишет: Въразумевше вочеловечение образ видим, л. 396 яко две естестве снисоста посово || купленно, неастръзано, неразлучно, непреложно; плоть бо плоть есть, а не божество, и глаголется плоть. Тако же и Богослова слово есть, а не плоть; а и освоил плоть себе по смотрению. Ничто же бы ино нечестивии, но токмо воплощение христово отврещися хотяще, сия вся хулы глаголют и баснословят, того же, яко привидение Христа воплотитися и родитися глаголют, и сего ради едино естество во Христе хулити не срамъляюгся. Аще же по истинне бог и человекъ есть Христос, единосущен нам богу и

отцу и единосущен нам человек по плоти, то како не имать две существе во своем составе? Аще убо возмогут показати правду сии нечестивии || еретици арменове, яко мы, человеци, единосущнии есмы богу отцу естество божества имама, а бог и отец единосущен нам есть, добре убо едино есве во Христе проповедают; аще же сие слово нечестивно есть глаголати или мыслити, да бог есть невидим и неизобразен, прост и бессмертен, неописан, невместим, непостижим, имать же и Христос сия вься по существу своего божества, яко бог истинен и отцу единосущен; есть же паки и поистинне человек единосущен нам по плоти, видим, и несоздан, и перьстен, и съмертен, и страстен, и описан, то како убо не имать две естестве явно — бога и человека. || Аще же и тии еретици армене сии и вся глаголют быти во Христе, исповедают его бога и человека, единосущна человеком, небесного и земного, созданного и несозданного, смертна и бестрастного, видима и невидима, без матери и безо отца, описана и неописана; аще бо, яко же рекох, вьистинну сия вся о Христе исповедают, явно есть, яко две действе и тии во Христа глаголют, аще и не хотяще: сия бо вся двою естеству суть от собства. Аще же две естестве о Христе глаголати отметаються, явно есть, яко во привадении Христа глаголют явитися человеком, а не по истинне вопълотитися, понеже, аще не бы тако се было, то како два имена, бога и человека, о Христе глаголюще, || единого имени истинну отметаються суетоумнии? Тем же явльенно, яко имя токьмо человечества глаголют, да не яко манихеони обличени будут, вещь же имени того и естества истинну отметаються. О христовых потех испытаем, еже и прочая хулы отвржае их, яже на самого Христа, и на Еуангелие, и на апостолы, и на святых отец замыслиша: во време страсти Христу молящуся и яко каглья кровавыя поты его текуща, естество свое плотское уверяюща, — сии же христорборци армене поты его от Еуангелие искрепътавьше, како не суть явленно христорборци; аще не истинна есть се, яко истинного воплощения христова, отрещись хо||тяще се створити, бояхуся бо таковая деръзнути, да рек нам нечестивии вину христовых потов искрепътание, или како самого Христа творят премудриши еуангельским и апостольским се творити деръзнуша, аще бо бога истинна Христа исповедают, сие глаголюще на святых еуангелисты и апостолы, то како не суть христорборци? Яко яже сам Христос сотвори и глагола по человечеству, се вся отметающаяся превращают, то како могут сии християне быти, а не паче христорборци? Того же. Како же святителя великаго града Рима сопрестольники и единомысленни-

кы святыхъ апостол хулет, зане двѣ естестве и две действе. и две хотении о Христе проповедаше, и благочестие их нечестие именууют, || а исповедание их отвржение, а правовернихъ зловерие глаголют, и проклинати их нечестивно не ужесаються; аще бо соборная церкви и апостольская и святителя ея в ересь вьпадаша, яко же христорборци армени глаголют, хуляще, явно глаголют, яко Христос ложь есть; аще же Христос ложь несть, яко бог истинен и церковь его соборная и апостольская правоверную веру деръжит и проповедает со всеми своими святители, проевленно, яко Евътихия и Диоскор, и Тимофей, Елур, и Петр Белилник, Иулиан, и единомысленники их, армен ученици и нечестие их и отвржение, еретици суть, и хулници, и христорборци, и зловерьники, и яко же Июду л. 399 апостола, || сущу от двою на десете, предателе христовы диявол сотворив пожерл, тако же и сия нечестивыя армены, от 12 языков верующих во Христа отдрав и предателе и отметника от православныя веры сотворив, яко же лев пожре я той же диявол лукавый, иже толикия ереси и отвржение хулы всея в них и своему отступлению их научи, вси бо их старыя книги две естестве и две действе о Христе проповедают и стратна плотию и бестратна божеством его являют, и новыя их ереси обличающе, явльются и отметники христова воплощения, кривописатели святого Еуангелия и сопотивныя враги и сопостаты всем святителем древним, греческимъ же и арменским, || тем же велми по правде и зело по истинне ото всех язык, верующих во Христа, всегда наследуют анафему. Ужеснися небо и земля вся, вострепещи о дръзости богоборцев и Христу врагов, нечестивых армен; услышите сия вся все, иже со армены любовь творяще, исправитесь и отбегайте от армен, яко от жидов и яко от манихей, яко от анътихрист, да не потибните с ними, с нечестивыми; услышите сия, иже сия со армены едущей и пиющей, лютого ответа ото вьсех святых, яко христови есте врази, акы их подобает прокълнати: Армены, яко нетъленномнители, да будут прокълнати; яко едино действо и естество о Христе хулеще, || да будут прокълнати; яко едино хотение и едину волю о Христе проповедающе, да будут прокълнати! Того же. Аще убо толиким ото всех святых прокълнати бывъше и Христа отгнани, и дияволу предани, и до скончание века ото всех християн прокълнаеми, како паки истинни християне от правоверных прияти будут; како же и льживи християне и льживи правовернии

я В ркп. далее повторяются слова яко едино действо о Христе проповедающе да будут прокълнати.

сѣверное их крещение и жерѣтвы их, яко истинныя и крепкия творят? Аще бо тмократицею прокълѣти бывше и дияволу предани, како от анафем и от клятв благословление изыдет, или како от диявола духовное || и святое тело совершает? От анафемы же благословление не бывает, и от гроклятия молитва не исходит, и от диявола христово таинство не совершается. Того же. Сии же, иже благочестие отметьници и зловерие начальницы и их учителя, понеже инех еретиков безсѣстуднейша быша и зловернейша, бесчисленныя ереси и хулы и отврѣжение на христово воплощение и на правоверие замыслиша и христорборцы явлено, явишася, не от единого токмо собора осужени быша и анафеме предани, но от многих и великих вселенских и поместных собороч обличени, и осужени и проклятию предани. Арие бо на сына божия хулу глаголаша, || 1-й святой собор вселенский в Никеи, при велицем цари Костенътине, в 10 лета царства его, быше сошедшеся святини отци числом 318 и прокълѣше Арие, суемудренного презвитера бывша Александрийския церкви. 2 собор вселенский в Цареграде, при велицем цари Феодосии, во 2 лето царства его, снисдошася святых отец 108 и прокълѣше духоборца Македоние, того же и богопротивника Нестория, на Христа хулу глаголюща и проста человека исповедающе, и святую во истинну Богородицу человекородицу глаголюща. 3 святой собор, иже во Ефесе, числом 200 святых отец, в 13 лето царства Феодосия Малаго, иже изврѣгоша и прокълѣше Евѣтихия, и Диоскора, Тимофея, и Елура, Петра Белилника, и Якова || Сериянина, Иулиана и Севѣгира, и единомысленники их. И преже их являения, Григорие Чюдотворец, Григорие Ниский, Афонасий Великий, Григорие Богослов, Амѣбросие и Ефрем божественныи, Иоан Златоустый, Селивестр Дама, Иулий, Кирил Ерусалимский, Кирил Александрийский, Епифание, Василие Великий, равнии аггелом богоноснии чюдотворци и знаменаносци, святини отци пророчески, единомысленники их, Арие и Маменъта, и Аполинарие, и подобны им, такожде и едино естество о Христе хуляюще, и божество христово страстно и смертно проповедающее, тмократицею прокълѣше. Потом же, егда явишася сия армянския предстатели, иже суть || сии: Евѣтихий, Диоскорид, Тимофей, Петр, Иулиан и единомысленники их, перьвое убо Лев Великий и Флавиан, святини патриарьси и великии вселенскии соборы 4. 4-й собор святых отец 630, иже в Халкидоне, при цари Маркияне, во второе лето царства его, иже собрашася на Диоскора, бывшего патриарха александрийского, и на Евѣтихия, арххимарита Царяграда, и на единомысленники их,

извергше их и прокъленьше и дияволу предавше. Тако и во Иерусалиме, при Анастасии цари, Иоанне патриарьсе иерусалимьством, Феодосий и Сава, святини богоноснии отци, десеть тысець черьноризец пустыньник собравшеся, Еутихия, и Диоскора, и Тимофея, и Петра Белилника, и Севѣгира, и едино || мысленники их, анафеме предашат. 5 собор вселенский 160 святых отец, в Цареграде, при царе Иустинияне древнем, в 26 лето царства его, и святого собора Халкидонского утвердив, и Евѣтихия, и Диоскора, и их единомысленники прокълѣше; паки же Мина святой, патриарх Царяграда, и Агапит Треблаженный, папа римский, на Еутихия, и Диоскора, и Петра Гугниваго, и на Севгира собор собравше, сия их богоборныя писание прокълѣше и их гнаше; Фелекс же и Оммах, святини патриарьси великого града римского, и Киньдиян, собор сотворивше со всеми всея вселенныя святители, сославше Петра Белилника и единомысленники его, || да трижды извергше его, яко богоборца, и анафеме || да трижды извергше его, яко богоборца, и анафеме 11.^а предаше; потом Мартын Святой, равно аггелом, папа римский, 108 святых епископ созвав собор в Риме, сотвори сия паки, яко богоборца сметав и проклятию предаде. Потом святой Агафон, папа римский, созвав 127 святых отец собор в Риме сотвори сия паки прокълѣт со единовольники их. 6 собор вселенский, 170 святых отец, иже в Коньстенътине граде, сошедшеся при цари Костенътине отци Устиниянове, внуце Ираклиеве, в лето 13 царства его, на Нестория и на Евѣтихия, и Диоскора и на единомысленники их, со единовольники их прокъленьше и дияволу предаше. Тако же святой вселенский || 7 собор 367 святых отец, иже в Никеи, второе собрашася, в 8 лето царства его, Костенътинова, и Ирины, матере его, на иконоборцы, тако же с ними и армены прокълѣт. Елико убо яко богоборцы и Христу супостати прокълѣти бывше и дияволу предани с начальники своими и со учителя многое их зловерие и еще ото всех крестиян прокълѣнаеми, како могут паки, яко християне зватися, а не паче, яко богоборцы, и Христу врази, и супротивници и отметьници Христу? Аще вера их неприятна есть, како крещение их приятно? Отец ересей безглавны х. Еретиков безглавнии еретици плоть господню глаголют несозданну, бестрастну, бессмерть || ну, нетленну и яко привидением Христу воплотитися лъже словет. О той же ереси лампетияне же и безглавнии армени еутихиеву и диоскорову, и тимофееву, и петрову, и улиянову ереси прияша, вся книги божественнаго писания отметають, то-

11.^а В ркл. анафе.

чию Еуангелие и Апостол, и Псалтырь приемлют, и сие по своему зломудрованию мудрствуют, плоть господню глаголют привидением приемшу, несозданну, бесмертну, нетленну. И аще нетленна и бесмертна плоть, како распяся, како пригвоздися, како кровь истче, како копием прободеса, како умерьтвися, како воскресе? Нетленное бо и бесмертное не умирает, и аще не умирает, то уже не воскреснет, || но всегда нетленно и бесмертно пребывает. Святаго Феофана, творца каноном. Тленен слово божие нетленное зрак прием человек в нетление облече. Великого Афонасия от слова, еже на арияны. Давид поет: Не оставиши душу мою во аде, ни даси же преподобному своему видети истление; подобаше бо тленне сущей плоти уже не остати ея по своему существу смертне; но за облекшегося в ню словесе без тля пребывает, яко же бо сам быв в нашем теле, наше все подражало есть, такожде и мы приемше его, бесмертне его причащаемся, без ума убо творятся блазнь примати и худе разумеют арияне⁶...



⁶ Здесь обрывается текст списка.



ПОВЕСТЬ ЗЕЛО ПОЛЕЗНА ОТЦА НИЛА

«ПОВЕСТЬ ЗЕЛО ПОЛЕЗНА ОТЦА НИЛА» — ПАМЯТНИК ЛИТЕРАТУРЫ НЕСТЯЖАТЕЛЕЙ

«Повесть zelo полезна отца Нила» известна нам в двух списках — сборника Q.XVII.67 и сборника № 21/1098 Кирилло-Белозерского собрания.

Остановимся сначала на характеристике списка «Повести», находящегося в сборнике Q.XVII.67.

«Повесть» написана в форме повествования, которое ведется от имени неизвестных лиц, совершавших паломничество по святым местам. Они рассказывают, что старец Нил, к которому они шли, находился, безмолвствуя, «на святем версе горы», имея при себе двух учеников. Когда путники пришли к нему, то он начал совершать молитвы, но не те, которые предусматривались уставом церковной службы. На вопрос пришедших: «Почто, авва, не сохраняете чин соборныя и апостольския церкви», он ответил, что установленные церковные молитвы — прокимны, седельны и прочие — должны совершать церковные чины, имеющие рукоположение — певцы, чтецы, подьяконы и пресвитеры, — а иноки их не должны совершать, «яко да не претворяют себе священничество». Дальнейшее повествование разворачивается в виде лаконического диалога между пришедшими, задающими вопросы, и старцем, отвечающим на них. Затем диалог переходит в длинное рассуждение старца. Отвечая на вопросы и излагая свои мысли, старец неоднократно подчеркивает, что для совершення обрядовых молитв существуют церковные чины, имеющие рукоположение; тех же, кто «не приемше» рукоположения, «предвосхищает» иерейские чины, постигают кары. Если исполнение церковных, обрядовых молитв — дело клира, то иноки, а также мирские люди, помня слова апостола Павла — «хощу убо умом молитися на всяком месте», должны воздавать «в тайне молитвы всевидящему», должны молиться в церкви, дома или в келье со «всяцем трезвением и внимани-